



FBiH treba novi ustav

Domaći političari još traže rješenje za izlazak iz krize

Piše: AMELA LONČARIĆ

U Sarajevu je jučer održana serija sastanaka na kojim se razgovaralo o promjeni Ustava Federacije Bosne i Hercegovine, funkcionisanju koalicije na federalnom nivou, dok je sa pravnim timom OHR-a razgo-

varao Nermin Ogrišević, predsjednik NES-a. Cilj je jasan - rješavanje blokade i imenovanje nove federalne Vlade.

Ako domaći političari u konačnici ne uspiju pronaći rješenje, očekuje

se intervencija visokog predstavnika u BiH Christiana Schmidta.

Protiv smo kratkoročnih rješenja i rješenja koja vrše daljnju etnonacionalnu podjelu u Federaciji i državi. Podsjetiti i na nemuštiju pokušaj SDA

da relativizira SDP-ovu deklaraciju, koju su krivo interpretirali. U njoj se ne poziva da ne djeluje visoki predstavnik, nego se poziva da ne djeluje tako što će izvršiti daljnje podjele, rekao je Damir Mašić iz SDP-a. / STR. 2 I 3.

Pismo Vučiću zbog 170.000 eura

Piše: GORAN DAKIĆ

Pomoć koju je prije tri godine dobila Modrića otići će Vlada Srbije, ali niko ne zna zbog čega. Vlada Srbije je, naime, 2019. godine odobrila 200.000 eura pomoći Modrići, a kako su ta sredstva završila na računima Vlade Srbije, vlast je odlučila da Modrići isplati samo 30.000 eura, a da ostatak zadrži za sebe.

Načelnik Modriće Jovica Radulović, koji je član opozicionog SDS-a, kaže kako je odbio da potpiše aneks ugovora kojim se ovoj opštini donatorska sredstva smanjuju. Zbog toga je pisao Aleksandru Vučiću. / STR. 4 I 5.

Svi mi još živimo svoju ranjenu prošlost



Belgijski fotograf Fabrice Dekoninck već tri godine pohodi našu zemlju kako bi našao tragove sjećanja. Put ga je vodio od Srebrenice, preko Prijedora do Sarajeva, a rezultat je kolekcija znakovitog naslova: "Između straha i nade". Njegove radove možete pogledati na istoimenoj izložbi koja se otvara večeras u Umjetničkoj galeriji BiH, u okviru Modula Memorije festivala MESS. / FABRICE DEKONINCK / STR. 18. I 19.

Kazani ostaju naša sramota

Piše: MATEA JERKOVIĆ

Nakon što je Apelaciono vijeće Vrhovnog suda Federacije BiH oslobodilo Samira Bejića optužbi za krivično djelo ratni zločin protiv civilnog stanovništva, Edvin Kanka Čudić, koordinator UDIK-a, kaže da se na sve načine zločinu Mušana Topalovića Čace i njegovih saboraca pokušavaju podvesti pod incidente.

Zanas je predmet Bejić bio posljednja nada da porodice žrtava ubijenih na Kazanima dobiju neki vid satisfakcije, ističe Čudić i dodaje da se predmet odugovlačio godinama i da se sve radilo da Bejić bude oslobođen. / STR. 6 I 7.

auto svijet

Veći Explorer u kompaktnom formatu

P

auto svijet

Praktični monovolumen sa sportskim Škodinim srcem

STR. 22.

Najbolji uvozni auto u Njemačkoj

STR. 23.

Dugo čekanje na Alfę se isplatilo

STR. 24. I 25.

Citroenov Ami 6, nekada idealno vozilo za gospođe

STR. 28.

Bosna mi je pravi izbor

Reprezentativac BiH i član sarajevskih studenata Nedim Buza govori za Oslobođenje o sezoni

Piše: STEFAN PAPAŽ

Nedim Buza je košarkašku sezonu počeo u Sparsu, ali je na kraju prvog dijela otišao u komšiluku i zadužio dres Bosne.

- Odmah nakon raskida ugovora sa Sparsima javila mi se ekipa Bosne i bez puno razmišljanja sam dogovorio saradnju. Svidio mi se način na koji igraju i pronašao sam sebe u toj igri, kaže Buza u razgovoru za Oslobođenje.

Ligaški dio sezone ocjenjuje zanimljivim.

- Osim Širokog, koji je bio dominantan tokom čitave sezone, ostale ekipe su

bile izjednačene i nije bilo lakih utakmica. Nekoliko ekipa ima odličnu sezonu, Široki, mi, Budućnost, Slavija također. Koje podbacio, o tome ne bih govorio, ističe Buza.

Studenti će u play-offu za prvog rivala imati ekipu Budućnosti iz Bijeljine.

- Oni su dobra ekipa, sa iskusnim igračima i trenerom i u odlučnoj su formi. Neće biti iznenađenja u taktičkom dijelu, te će želja i borbenost biti presudne, kazao je Buza. / STR. 45.